


# Latar Belakang Covid-19

## Apakah itu Covid-19?



Ilustrasi oleh [CDC](#) ini mendedahkan morfologi ultrastruktur yang dipamerkan oleh coronavirus. Sumber gambar: [U.S. FDA](#)

Koronavirus sindrom pernafasan akut teruk 2 (SARS-CoV-2), juga dikenali sebagai coronavirus baru 2019 (2019-nCoV), ialah sejenis virus berjangkit yang menyebabkan [jangkitan pernafasan](#) (COVID-19) dan telah menunjukkan bukti penularan manusia kepada manusia. Virus ini kali pertama dikenal pasti oleh pihak berkuasa di [Wuhan](#), Hubei, China, dan ia merupakan penyebab wabak coronavirus 2019–21 yang sedang berlaku.

## Kemungkinan Asal Usul

Oleh disebabkan kes-kes terawal dilaporkan mempunyai perkaitan epidemiologi dengan pasar makanan laut dan haiwan liar, virus ini dipercayai mempunyai punca zoonosis<sup>1</sup>. Hal ini disebabkan perbandingan urutan genetik antara virus ini dengan sampel virus SARS-CoV menunjukkan persamaan sebanyak [79.5%](#) manakala perbandingan dengan virus kelawar menunjukkan persamaan sebanyak [96%](#). Oleh itu, interaksi rapat manusia dengan kelawar yang berlaku di pasar dispekulasi sebagai punca utama.



Coronavirus telah dijumpai pada *Horseshoe kelawar* di China. Sumber gambar: [WSJ](#)

## Pengisytiharan WHO

Pada 31 Januari 2020, Pertubuhan Kesihatan Sedunia (WHO) telah mengisytiharkan coronavirus sebagai

<sup>1</sup> Kenyataan ini belum disahkan oleh mana-mana pihak.

perhatian kecemasan kesihatan awam peringkat antarabangsa (PHEIC) setelah mendapati 98 kes di 18 negara di luar negara China. 11 hari kemudian, iaitu pada 11 Februari 2020, penyakit ini dinamakan sebagai Coronavirus Disease 19 (COVID 19) untuk mengelakkan panik yang tidak diperlukan. Covid 19 kemudian diumumkan sebagai sebuah [pandemik global](#) oleh Ketua Pengarah WHO, Tedros Adhanom Ghebreyesus setelah meneliti penyebaran yang semakin teruk.



Ketua Pengarah WHO, Tedros Adhanom Ghebreyesus berkata, WHO bimbang virus merebak ke negara yang tidak mempunyai sumber untuk menanganinya. Sumber gambar: [Berita Harian online](#)

## Gejala dan Klasifikasi

[Gejala-gejala](#) COVID-19 adalah seperti demam, batuk, sakit kepala, keletihan, kesukaran bernafas, dan kehilangan bau dan rasa. Gejala mungkin bermula satu

hingga empat belas hari selepas dijangkiti.

Lebih kurang satu per tiga orang yang dijangkiti tidak mengalami gejala yang ketara. Antara mereka yang menunjukkan gejala yang cukup ketara untuk diklasifikasikan sebagai pesakit, kebanyakannya (81%) mengalami gejala ringan hingga sederhana (seperti pneumonia ringan), sementara 14% mengalami gejala yang teruk (seperti hipoksia), dan 5% mengalami gejala kritikal (kegagalan pernafasan).



Tanda-tanda orang dewasa yang dijangkiti Covid-19. Sumber gambar: [Kementerian Kesihatan Malaysia](#)

# Kronologi Covid-19 Di Malaysia

Jan 25, 2020

## Kes pertama

Kes pertama 2019-nCoV disahkan membabitkan tiga warga China yang masuk ke Malaysia melalui Johor dari Singapura pada 23 Januari.

Jan 31, 2020

## Darurat Kesihatan Dunia

Pertubuhan Kesihatan Sedunia (WHO) mengisyiharkan coronavirus sebagai darurat kesihatan dunia.

Feb 4, 2020

## Kes pertama rakyat Malaysia

Gelombang kedua jangkitan berlaku melibatkan penularan tempatan, seorang lelaki 41 tahun yang berasal dari Selangor disahkan positif.

## Kes pulih pertama

Seorang kanak-kanak perempuan warga China di Langkawi yang sebelum ini positif coronavirus didapati pulih dan bebas sepenuhnya daripada jangkitan.

Mar 17, 2020

## Kematian pertama akibat Covid-19

Dua kes kematian pertama dilaporkan membabitkan seorang lelaki berusia 34 tahun yang pernah menghadiri perhimpunan tabligh di Masjid Jamek Seri Petaling dan seorang paderi berusia 60 tahun dari Sarawak yang mempunyai sejarah penyakit kronik.

Mar 18, 2020

## Pelaksanaan perintah kawalan pergerakan (PKP) pertama

Sebagai tindak balas terhadap lonjakan kes pada bulan Mac 2020, Perdana Menteri ke-8, Muhyiddin Yassin, mengumumkan pelaksanaan Perintah Kawalan Pergerakan (PKP atau MCO) sehingga 31 Mac 2020. Tarikh tamat PKP selepas itu dilanjutkan ke awal Mei 2020.

Mar 27, 2020

## Pelaksanaan perintah kawalan pergerakan diperketatkan (PKPD)

Lokasi-lokasi tertentu yang mempunyai kluster yang besar dikenakan perintah yang lebih ketat : PKPD (atau EMCO), selama 14 hari.

May 4, 2020

## Pelaksanaan perintah kawalan pergerakan bersyarat (PKPB)

Kerajaan mula melonggarkan Lockdown secara berfasa; bermula dengan PKPB (atau [CMCO](#)). Kebanyakan sektor perniagaan boleh dibuka semula di bawah SOP yang ketat.

Jun 10, 2020

## Pelaksanaan perintah kawalan pergerakan pemulihan (PKPP)

Perdana menteri ke-8, Muhyiddin Yassin mengumumkan bahawa perjalanan [merentas negeri](#) diizinkan semula, kecuali untuk kawasan yang di bawah PKPD (EMCO), dan menyatakan bahawa negara sedang bergerak menuju ke fasa pemulihan.

Sep 20, 2020

## Gelombang ketiga

Malaysia dilanda gelombang ketiga pandemik Covid-19 disebabkan oleh [pilihan raya](#) negeri Sabah, dengan bilangan kes Covid-19 mulai meningkat kepada tiga angka.

Jan 12, 2021

## Darurat di seluruh negara

[Darurat](#) di seluruh negara diisytiharkan oleh Yang di-Pertuan Agong, menangguhkan sidang Parlimen dan Dewan Undangan Negeri dan memberikan kuasa darurat kerajaan Muhyiddin sehingga 1 Ogos 2021.

Feb 24, 2021

## Kempen vaksinasi dilancarkan

Perdana Menteri ke-8 Muhyiddin Yassin menjadi orang pertama di Malaysia yang menerima suntikan vaksin Covid-19 dan melancarkan [kempen vaksinasi](#) di seluruh negara.

Jun 1, 2021

## Pelaksanaan Total Lockdown di seluruh negara (MCO 3.0)

[Full Lockdown](#) di seluruh negara akan dilaksanakan untuk semua sektor sosial dan ekonomi. Hanya aktiviti sosial dan ekonomi keperluan dibenarkan beroperasi.

Jul 13, 2021

## Bilangan Kes Harian meningkat kepada 5 angka

Jul 21, 2021

## Kes varian Delta pertama

Kes [varian delta pertama](#) dikesan di Sibu yang melibatkan pendatang tanpa izin Indonesia yang memasuki Sarawak pada 5 Julai.

Konsep video ini adalah berkaitan dengan imbas kembali perkara yang berlaku semasa covid-19 bermula, apa pengorbanan frontliners dan bagaimanakah kita boleh menunjukkan penghargaan kepada frontliners.

Aug 9, 2021

## Kadar vaksinasi (dos pertama) > 50%

[Lebih daripada 50%](#) penduduk Malaysia telah mendapat dos vaksin pertama.

### Permulaan

Bagi bahagian ini, penonton video akan ditanya soalan-soalan refleksi tentang perasaan mereka apabila “terkurung” di rumah disebabkan perintah kawalan pergerakan yang dilaksanakan oleh kerajaan. Penonton akan ditunjuk rakaman tentang aktiviti-aktiviti sosial sebelum pandemik ini berlaku.

Aug 29, 2021

## Kadar vaksinasi (dos pertama) > 60%

[Lebih daripada 60%](#) penduduk Malaysia telah mendapat dos vaksin pertama.

Kami menjangka sesetengah penonton mungkin merungut bahawa SOP yang ditetapkan oleh kerajaan amat lekeh dan berasa kita tidak perlu mematuhi. Oleh itu, video ini disambungkan dengan tinjauan pantas mengenai latar belakang dan perkembangan pandemik Covid-19 di Malaysia sejak kes pertama untuk mengingatkan penonton-penonton ini bahawa rakyat Malaysia belum menang dalam “peperangan” ini.

# Pelaksanaan Perancangan

## Konsep video

Video ini akan dibahagikan kepada 3 bahagian iaitu :

- Bahagian permulaan
- Kandungan utama
- Pengakhiran

## Kandungan Utama

Bahagian ini akan memperkenalkan beberapa frontliners semasa mereka bertugas dan cabaran yang dihadapi oleh mereka. Selepas menonton

bahagian ini, penonton dijangka dapat memahami pengorbanan frontliners terhadap masyarakat dan negara kita. Sebelum bahagian ini berakhir, video ini mempersoalkan penonton : apakah yang kita harus dilakukan untuk menunjukkan penghargaan terhadap jasa frontliners.

---

## Pengakhiran

Video ini juga ingin menyampaikan mesej bahawa hero-hero frontliners ini terdiri daripada rakyat Malaysia yang berbilang kaum, dan mereka telah berusaha untuk menyelamatkan nyawa rakyat Malaysia tanpa mengira kaum, budaya dan agama. Sebagai tanda penghargaan kepada frontliners, ahli-ahli kumpulan akan mengucapkan terima kasih di dalam video. Video ini diakhiri dengan ahli-ahli kumpulan memakai pelitup muka sebagai peringatan kepada penonton untuk sentiasa mematuhi SOP.

---

## Mengapakah video ini harus ditonton oleh orang ramai?

Video ini harus dilihat oleh orang ramai kerana video ini dapat mengingatkan kita bahawa banyak nyawa telah terkorban dalam pandemik ini dan hero-hero seperti petugas garisan

hadapan telah banyak memberi sumbangan dalam perang melawan virus Covid-19.

Video ini juga meningkatkan kesedaran orang ramai bahawa pandemik ini adalah sesuatu perkara yang serius. Maka, kita haruslah sentiasa mematuhi SOP yang telah ditetapkan oleh kerajaan bagi meringankan beban hero-hero. Tindakan ini bukan sahaja dapat menyelamatkan nyawa orang ramai malahan ia juga merupakan tanda terima kasih kepada semua yang telah menyumbang dalam usaha memerangi virus ini.

Sehubungan dengan itu, video ini harus ditonton oleh orang ramai kerana video ini menunjukkan perpaduan antara hero-hero yang berbilang kaum. Kami berharap video ini dapat merangsang semua rakyat Malaysia untuk menyingkirkan prasangka mereka terhadap etnik lain dan saling menyayangi.

---

## Di manakah video ini akan dimuatnaik?

Video ini akan dimuat naik ke Youtube dan Instagram kerana kedua-dua platform ini mempunyai aliran penonton dan pengguna yang banyak dan amat popular di Malaysia.

---

## **Siapakah target penonton video ini?**

Video ini sesuai untuk semua rakyat Malaysia, termasuk kanak-kanak dan warga emas, kerana mesej yang ingin disampaikan dalam video ini penting kepada semua rakyat Malaysia.